

補遺

詩

灤水龍翔

蘇至忠學正

灤水深源自北通龍形蜿蜒繞畿東波開沙裏千層
甲氣撼雲端萬丈虹風雨交飛山峽急雷霆齊送海
門空誰知天上靈奇物擬在洪河一望中

偏涼虛閣

蘇至忠

山勢岩峩作畫看構成高閣面重巒一渠水繞常如
洗萬樹陰垂乍覺寒當暑何須搖短箠納涼但許倚
雕欄偏隅訪得仙人境幾度登臨眼界寬

漢州志 卷之六
園山泉瀑

蘇至忠

瀑出園山山震撼天教石作不平鳴湧潮風激驚濤
勢赴敵兵馳怒馬聲砰湃峯頭源混混飛騰洞口氣
盈盈懸流日射分明影一道清光似練橫

蓮臺烟寺

蘇至忠

層臺高聳寺門低寺外烟聯臺下溪白水一灣明似
鏡碧蓮四面淨無泥僧來月下遙驚犬人唱舟中遠
繞堤欲向此間閒領畧印須我友認幽蹊

灤州志卷之八下

藝文志

賦

觀海賦

明陳士元知州

元黃肇分一六凝質溟瀚呈靈函維幹極北包窮髮
南控炎溢西環聚窟之洲東浴扶桑之日曼倩之記
不能詳元虛之篇不能畢也若有蓬瀛仙子周遊歷
邁八埏九垓無往不屆乃濯足於北平之濱尺度乎
東渤之派吸洋吐詞卽小喻大四海之廣固可想像
其形依稀其概也曰惟茲裨海幽冀之陬浸碣石薄

萊州掩朝鮮縈遼邱爾乃洪波炭漫細沫滑渙滈滈
澗濩漭漭決汧納川不盈浮空無岸洗瀆乎析木之
津漩還乎京畿之畔一潮一汐煙昏沙漈倏晦倏明
鯤騰鵬亂若乃颶風發罔象齟海若呀馮夷舞天吳
怒陽侯鼓於是徙沃焦閉尾閭揚霾幕震雷車駭浪
山疊激波電驅洶洶碇蕩訇訇噓泰嶽掀揭而反
覆河漚漲渙而淪胥狀如湫盤側轉會曲江而同區
又如飈輪逆運傾天潢而下瀕迅勢所滌餘湍所窟
盪峻爲之陸沉林阜爲之潢淤若乃淡暘潜消晴市
初旦鮫室出奇蜃樓斯爛變幻無端珍靈璀璨畫圖

成於頃刻遠邇恍其輝煥地皇闢土而直視羲和弭
節以長嘆孔父登東而無語蘇公驚走以難判若乃
極深之府至靜之央傾洞渺漠沌灝渾茫窅之無際
測之無旁則有百靈棲息陰火燈光神龍之所隱蟄
巨鼇之所撐當寰宇是奠民物用康豈但鯨鬣插雲
鳳髓儲漿珠玉林積寶貝山藏徒無救於饑寒空競
侈於遐方而已哉若乃陶唐之世汎濫延靡夏禹施
功此焉伊始二老出而周興重譯來而波止卞人好
勇於乘桴河伯見笑於秋水乃有不死之藥黃金之
宮望之如雲就之有風鞭石莫及牽犬無功羨門馳

驚乎騶生之術五利漂泊乎瑯琊之東悠悠海德何
損何隆納汙受涓居卑量洪源泉盈科後進而江漢
一瀉已瞬息而朝宗

餘霞散成綺賦

國朝 吳士鴻 知州

戊辰歲仲夏州試童子余以此題覆試因擬作一
首

朱明節候綠蔭庭除天外風來解愠壺中藻色涵虛
進人才而屢試徵學術於三餘研古訓其勵已求多
聞以啟予筆燦一時貝錦花開六月芙蓉藻倚馬才高
賦就文光爛若題橋句好裁成霞彩斑如爾乃煩灑

初滌公餘稍暇香溫龍腦茗瀾蘭芽冰漬西冷之
刀剖邵氏之瓜爽氣挹半規之紈扇清涼生卍字之
窻紗詡金針兮巧度珍白璧兮無瑕手握智珠欲盡
方圓之選心懸秦鏡還防衡鑑之差蓮漏促篇章氣
勢奪廣陵之潮汐花磚移晷刻光芒騰赤縣之雲霞
時則大暑方來早衙已散輕裾疊雪凝香細葛含風
怯汗凜此炎威宛然炙炭類搖塵以清談羌吮毫而
灑翰得人居文質之間問俗稔薰蕕之半晴雯滌出
蔚藍卵色融爲璀璨天光容與流丹工聚散於星衢
雲影徘徊精氣壯離奇於霄漢若夫露臺宏敞曲沼

晶瑩遠峯攬翠高閣連甍捲簾櫳而飛乳燕敲棋子
以拭楸枰映日紅綃自來灼爍燭天文繡別有聰明
煜煜煌煌糺縵陋吉光之羽燐燐炳炳昭回通大化
之清底是三華幻相何期五色渾成爾其厚積菁莪
倦懷桃李磨光刮垢誰非攀桂之流紆紫拖青盡是
操觚之士跂瀛洲其不遠風御鸞鳳登月窟以何難
浪乘鯨鯉五星朗徹天孫授與機絲七寶莊嚴太乙
散成羅綺揚輝同含德之無虧垂象信直繩之可擬
爰潤色以陳詞寫寸心於幅紙

詩

觀海

唐太宗

披襟眺滄海憑軾翫春芳積流橫地軸疏派引天潢
仙氣凝三嶺和風散八荒拂晴雲布色穿浪日舒光
照岸花分彩迷雲雁斷行懷卑運深廣持滿守靈長
有形非易測無源詎可量洪濤經變野翠島屢成桑
之采思漢帝碣石想秦皇霞裳非本意端拱且圖王

前題

楊師道

春山臨渤海征旅輟晨裝廻瞰盧龍塞斜瞻肅慎鄉
洪波廻地軸孤嶼映雲光落日驚濤上浮天駭浪長
仙臺隱螭架水府汎鼉梁碣石朝煙滅之采歸雁翔

北巡非漢后東幸異秦皇
舉旗羽林客拔距少年場
電掣驅遠水鵬飛出帶方
將舉青邱繳安訪白霓裳

前題

獨孤及

北登渤海島回首秦東門
誰尸造物功鑿此天地源
瀕洞吞百谷周流無四垠
朗然混茫際望見天地根
白日自中吐扶桑如可捫
迢迢蓬萊峯想像金臺存
秦帝曾經此登臨異飛翻
揚旌百神會望日羣仙奔
徐福竟何成羨門徒空言
惟見石橋足千里潮水痕

灤河吟

元宋本

灤河上游陘涓涓僅如帶
偏嶺下橫渡復遶行都外

頗聞會衆潦旣遠勢滂沛雖爲禹貢遺獨與東海會
乃知能自致天壤無廣大

橫山寺

明薛穰知州

數椽僧舍俯清溪細草春香路欲迷野水亂流灘上
下巖山斜矗樹高低天生石井泉通海地接灤江柳
暗堤撫景暢然心賞逸半林花雨鷓鴣啼

紫金山

許莊州人

石磴盤空四五山門蘿躡頂望塵寰幾村楊柳陌頭
緣數點鷺鷥江面斑片片淡雲過遠嶂巍巍橫嶺枕
清灣年來漫興慳佳句欲賦新詩謾自刪

長春古淀

王好言

州人

春莫適單袷淀水溫可風馬蹄踏沙去山路披蒙茸
雲收溪練白日出村嶂紅遺趾翳叢薄見說長春宮
眼前走狐兔金屋綦綦中春色年年鎮長在玉顏一
去無遺踪君不見姑蘇臺吳歌楚舞今塵埃往事分
明在人耳千秋亦復令人哀

橫井煙浮

王好言

丹崖千仞石泉開一竅潛通灤水來老衲汲泉破烟
色煮茗爲客滌塵懷

灤水龍翔

趙葉

知州

寫破青山走綠波，逶迤千里壯關河。
濤驚怒石春風急，水過平山帶雨多。
明月白雲隨意浴，躍魚飛鳥任相過。
只今身在天門外，潤澤蒼生奈力何。

金泉蕖月

徐汝勳

吏目

問問金泉月，酌酌金泉水。
青天來幾時，良夜響未已。
月影墜泉中，泉聲流月裏。
主人絃素琴，芙蕖出清泚。
客子起吹簫，錦鸞下高壘。
人間此景曾幾何，月色分明水如綺。

烽火山

有寺

徐汝勳

尋芳直上翠微間，梵宇瀟瀟出半山。
詩罷酒闌遊客

去白雲依舊伴僧閒

過汀流河

方經訓導

灤水朝宗一派流寒烟蕭索古津頭雞鳴遠浦家家
月漁老空磯處處鷗將伴沙邊人待渡忽呼江上客
同舟西風回首中流楫桐葉蘆花兩岸秋

橫山寺

劉體元知州

暮雲籠古寺夜雨濕孤城恠石依巖立寒泉汲水清
莓苔稀馬跡邱壑自天成枉辱旌車過何堪草木情

偏涼虛閣

王鉢判官

初識橫山路喜登江上臺亭高風力勁雲近雨聲來

野澗山藏寺門幽徑鎖苔平生愛清勝日暮重徘徊

前題

王 鉢

僧房臨水澗登望意悠悠地僻身如隱亭高風自秋
落日千山紫疎烟古殿幽何時公事暇再過此山遊

前題

白 瑜 州人

危亭三月正春暉面面山光看翠微隔岸緣分穿小
燕數枝紅褪點輕衣插空石逕翻風急短棹漁舟鼓
浪飛閒步蒼苔頻倚檻相親鷗鳥亦忘機

前題

白 瑜

侍臣暫爾謝清華一夢蒲團便是家霽景乍開雲外

月談經不滅雨中花烟籠寶閣飛香霧日映桃源起
碧霞蒼龍老僧相話別疎林隱隱意無涯

西郊梅花

馮清州人

松竹嘗爲友年年耐歲寒時人須着眼莫作杏花看
長春古淀

陳士元知州

野淀空傳紅粉樓淀邊衰柳覆寒流健兒車馬那經
眼異世松雲尙帶愁金屋謾迷滄島澗瑤臺猶憶翠
華留可憐蕭氏能傾國不及王嬙草一邱

金泉藻月

朱昶州人

周子愛蓮曾有說謫仙邀月尙存詩何如菡萏爭開

處正值嬋娟高照時
綠水紅葩元自好
清光良夜更相宜
何時載酒臨池上
更約姮娥一解頤

古馬縣

朱昶

荒郊寂寞鎖烟霞
閱盡人間幾歲華
闌闌變爲耕稼地
草萊迷却縣侯家
涼風入樹秋聲早
野色連雲夕照斜
欲問前朝興廢事
海桑陵谷不勝嗟

蓮臺煙寺

晏 早州同

古寺蓮臺迥烟光
日日浮東南蓬海
近應有列仙遊

橫山寺

寺前有井

裴 騫

兵備道

寒松出野寺
疊嶂擁層城
微雨橫山黯
淒風灑水清